

師古曰鉤音鉅于
反町音大鼎反
斬首捕虜有功其立亡波為鉤町王

大鴻臚廣明賜爵關內侯食邑三百戶後間歲武都氏

人反師古曰間歲隔一歲遣執金吾馬適建龍額侯韓增與大鴻

臚廣明將兵擊之至成帝河平中夜郎王興與鉤町王

禹漏卧侯俞更舉兵相攻孟康曰漏卧夷邑名後為縣師古曰俞音踰更互也音工

衡牂柯太守請發兵誅興等議者以為道遠不可擊廼

遣大中大夫蜀郡張匡持節和解興等不從命刻木象

漢吏立道旁射之杜欽說大將軍王鳳曰大中大夫匡

使和解蠻夷王侯王侯受詔已復相攻輕易漢使不憚

國威其效可見恐議者選奕復守和解師古曰選奕怯不前之意也選